

萬泉縣志卷一

						輿地志
		物產	公署	疆域	圖考	
			山川	城池	沿革	

重修萬泉縣志序

康熙四十七年

瞿亮邦

三代有史而無志夏之禹貢周之周禮皆志也司馬氏於紀傳年表之外若禮樂律曆天官河渠志焉而名以書至班氏始著為志後乃因之通都郡邑咸無替焉上以佐朝廷之治化下以動閭里之觀感是志之重與史均邦非故視為不急之務而廢焉不舉也凡夫天時地利人事物產之異宜戶口財貨賦稅徭役之消息山川城郭官舍廟祀之廢興不詢諸故老採諸歌謠周咨博訪於賢士大夫無以真知而灼見又其大者政事之得失何以明人物之盛

衰何以識風俗之升降何以察邦承乏茲土與有風教之責十四載來網求散失凡可彰往古而示來茲者罔不謹識於心而弗敢忽適諸城劉公刺史平陽竊鯁鯁然憂之初涖官即欲纂修郡志下檄州縣俾各修其所治之志舊者續無者創徵其書以備採輯邦才識寡淺踧踖珥筆爰請范子肅公董其事賈張諸子相與考覆參訂曩志述其所已有不敢漏今志述其所必有不敢私其文差損於舊其事略備於前然皆述而不作寧敢攘善以為己力哉抑邇獨有感者貢賦內汾陰戶口原額二萬二千九百四十

五丁明季兵荒疊告遷徙流亡僅存四千餘丁丁徭不敷  
補以地門兩差通邑九里有半鹽籍居其一向供撈鹽之  
役幸而得免民則無論有丁無丁地差均辦至門差銀八  
百有奇以流民之不成丁者列於各里甲版籍之末別之  
曰寄莊計糧一石又徵門銀二錢不無偏苦甚而差去徭  
存子子孫孫包賠無已今天子仁聖賜赦蠲租發帑截留  
屢頒渙汗倘異日翠華西幸采風問俗後之君子即以此  
志呈憲轉呈御覽惻然念寄莊門差之重因得照江南岵  
江地糧之例一旦豁除則此志也其亦王道之一助乎謹

附於簡端敬告繼賢之留心民瘼者

續修萬泉縣志序 乾隆二十三年

畢宿燾

將為百里君子小人示激勸之方則必崇文教表實行微顯闡幽取民間嘉言善事鼓舞而振作之乃可借引於善良而又慮其久而就湮也或一時知感而異時無所觀法也則邑志與國史相表裏而纂修於是責長令燾承天子命由東山泗水而來分符萬邑五閱春秋矣萬邑土瘠民貧士庶淳朴幸各安厥業而性悍使氣貴善轉移燾躬泣斯土惟日宣朝廷德意興學校課農桑期與百里內赤子共勉無過已耳暇取前令虞山瞿公所修邑志反覆而校

閱之又歎萬雖最爾邑其間科第聯翩而出為名宦處為鄉賢者代不乏人若夫匹夫慕義何處不勉自昔忠臣孝子節婦義士率其性成一往不易原不必盡軌於中正而苟有片長寸善采風者即願為表揚用樹風聲惜乎虞山繼修而後數十年來不無缺遺之憾也燾於是心焉識之不敢忘夫四民所業各異類欲自銜其長三代直道未忘每易相觀而善以今所載選舉孝義諸例即物煥星移其子孫猶樂道其祖父曰某某者吾先人所為吾曹當共效之也其親戚猶私稱其姓字曰某某者與吾為姻婭吾曹

愧不若人也則自今搜邑人士所目見耳聞者續而修之  
想身受者不知若何自愛其子弟之藉為光寵戚友之與  
有榮施者又不知若何感激矧夫後之視今無異今之視  
昔彼蚩蚩者流幾何不為彥方之所化而誰司民牧敢置  
此不問負聖天子建有司董百里之雅意哉志稿續於甲  
戌冬月向以簿書冗煩未付稜棗茲當馬首東瞻謹將舊  
志選舉孝義節烈藝文增補成帙善雖從長無徵不信而  
職官祥異與時遞更亦例得備書若其疆域山川之修阻  
賦稅徭役之減益與夫土產民風城池公署較昔變遷無  
幾覽舊志者當自得之至於星野寺觀流寓仙釋或無從  
考或不必究其詳者皆因而不易也

續修萬泉縣志序

歲丁巳陰歷六月初四西匪數千渡黃河攻臨晉破榮邑擾河津復陷萬泉旋經我兵猛擊竄入北山鄉吉間聚而殲焉所過蹂躪者十七八而萬邑尤甚余時奉委接篆籌善後事百廢待舉惟以清鄉修城為急務厥功未竟而瓜代有期諸紳以邑志告成乞弁數言於簡端嗚呼兵燹餘生余深憫萬民之赴公而尤嘉諸紳之知義也考舊志續於乾隆十九年迄今百五六十載凡城郭公署津梁之變遷學校祠宇戶口之更制官師宦績選舉與夫人物列女

之湮沒弗彰者悉搜羅登記別樹體例各以類從綱分為四其目二十續志而外遺者補之畧者詳之冗者裁之疑者正之糝百神於祠祀足以除迷信收五禮於風俗足以砥愚頑詳動植於物產足以化故智而期改良此皆前志所無而後志參入者也余承乏數月鞅掌靡遑一官傳舍殊深眷眷竊願後之蒞斯土者覽志而悉民情知嚴寒之後必有陽春瘡痍之餘宜深撫字與邑人士懲前毖後去金革而衽席焉是則私衷所殷然拜禱者爾時民國七年一月二十八日署理萬泉縣知事程瑤階叙於公署之北軒下

重修萬泉縣志序

暢茂椿

邑志自乾隆十九年畢公補葺迄於今百餘年矣此百餘年間凡輿地之沿革政治之升降風俗之變遷人文之盛衰與夫天降災祥湮沒而弗彰者何可勝道論者謂地瘠民貧籌款維艱前之人又多因循所致嗚呼烏知前人之不肯遽廬以視更甚於今乎光緒丁戌大祲後晉撫曾爵部飭州縣蒐輯志乘以備通志局採擇邑署篆勞令邀紳等磋商衆抃舞採訪且募捐八百餘金甫就緒勞令忽調太平囊括訪稿募金謂伊壻出身翰苑令主筆俟成帙代付剗剗衆唯唯承命遲至來春魚雁杳然問之勞以憂去職訪稿募金付之東流噫百餘年邑志殘缺職是故也繼任王眉山鮑東臺每嘗提議皆有志而未逮宣統二年余宦遊長安友人李常五王重九薛金堂楊錫九等籌募銀若干擬次年決意重修而山河又變矣遲至民國三年長沙何令與諸紳合議籌辦新志幸脫稿然每以新舊牒池是議是年春內務部飭令修志始遵舊例按子目分叙並付金石一門乃甫行執簡尋以六月土匪之變不遑為謀矣秋九月擬從容就理復迫於限期僅成八冊竣事金石

仍屬闕如是所望於後之有志者廣詢博訪以補其闕庶  
免一簣之虧而是志亦少增色焉爾



萬泉縣志修輯姓氏

原修

明

萬

泉

縣

知

縣

符嘉訓

續修

清

萬

泉

縣

知

縣

鄭章

萬

泉

縣

知

縣

丘園卜

萬

泉

縣

知

縣

瞿亮邦

增修

萬

泉

縣

知

縣

畢宿燾

編纂

邑

舉

人

揀

選

知

縣

張史筆

新修

民國

萬

泉

縣

知

事

何棻

萬

泉

縣

知

事

程瑤階

編纂

邑

舉

人

前

太

谷

縣

訓導

邑

舉

人

前

高

等

小

學堂

較閱

經

學

教

習

王

景

命

邑拔貢前洪洞吉州儒學正堂 解迪功

邑副貢陝西試用州判 暢茂椿

邑廩貢己酉舉孝廉方正 王燕天

邑拔貢陝西試用州判 相里選

邑廩生 張紹元

邑附生前直隸典史吉縣知事 薛錫鏞

採訪

邑副貢候選州判 董焜燿

邑廩生 李俊秀

邑增 薛如蘭

邑附 吳筠

邑歲貢候選訓導 解迪果

邑附 黃紹端

邑拔貢陝西試用州判 黃通經

邑增 李來鳳

邑歲貢候選訓導 解紀勤

邑附 杜映南

邑附 袁文秀

邑 歲貢候選訓導 張夢熊

邑 附生 李慶庚

邑 附生 王時瀚

繪圖

邑附生優級師範學堂畢業舉人 王鏞

鑒印

邑附貢河南試用典史 楊天齡

邑附生己酉舉孝廉方正 李道在

萬泉縣志目錄

卷首輿圖考

縣境

縣治

學宮

公署

學堂

孤山

卷一輿地志

沿革

表附

疆域

城池

鄉鎮寺觀  
集會附

公署

倉儲公  
所附

山川

津梁附

物產

卷二政治志

學宮

學校附

祠祀

壇壝

廟

貢賦

雜稅附

戶口

風俗

卷三政治志

職官

宦績

選舉

仕籍附

卷四人物志

鄉賢

仕蹟忠  
烈附

文儒

孝友

義行

卷五人物志

列女

卷六藝文志

文類

卷七藝文志

文類

卷八藝文志

詩類

卷終雜記附

陵墓

流寓

坊表

仙釋

古蹟

祥異

八景附

異政





